

## IZVJEŠTAJ O RADU UDRUŽENJA

u 2023. godini

- UGIP „Rino Zandonai“ Tuzla prijavio je u septembru 2023. godine dva projekta na javne pozive za projekte. Prijavljeni su projekti Ministarstvu za ljudska prava i izbjeglice BiH (pod naslovom Sjaj manjina) i Ministarstvu civilnih poslova BiH (pod naslovom Festival italijanske kulture u Tuzli). Oba projekta su odobrena sa umanjenim budžetima u odnosu na planirane. Projekti su počeli sa realizacijom u decembru 2023. godine i nije bilo značajnih projektnih aktivnosti u decembru 2023.
- Realizovan projekat „Čitamo italijanske književnike“ koji je obuhvatao realizaciju ciklusa pet književnih tribina različitih tematskih sadržaja u toku 2023. godine. Tribine su bile posvećene značajnim italijanskim spisateljima. Održane su u Centru za kulturu Tuzla.
- UGIP „Rino Zandonai“, u saradnji sa Centrom za kulturu Lukavac, realizovao je šestodnevnu izložbu replika rijetko viđenih ilustracija iz djela "Božanstvena komedija" italijanskog pjesnika Dantea Alighierija. Izložba pod naslovom GRAFIKE MOTIVA BOŽANSTVENE KOMEDIJE pripremljena je u okviru projekta „Dani italijanske tradicije i kulture u Lukavcu 2023“ i predstavlja završnicu tromjesečnog projekta koji podržava Grad Lukavac.
- Udruženja građana italijanskog porijekla „Rino Zandonai“ je po drugi put organizovalo 21.10.2023. „Dan italijanske kuhinje u Lukavcu“. Aktivnost je pripremljena u okviru projekta „Dani italijanske tradicije i kulture u Lukavcu 2023“ i predstavlja završnicu tromjesečnog projekta koji podržava Grad Lukavac.
- U gradu Živinice održana jednodnevna manifestacija „Dani internacionalne kuhinje“ 15.9.2023. u gradskom parku. Manifestacija je dio programa promocije turističkih potencijala Živinica i poticaj dijaspori koja dolazi tokom ljetnih odmora u Živinice. UGIP „Rino Zandonai“ je učestvovao u manifestaciji sa promotivnom gastro ponudom.
- Održana manifestacija „Dan italijanske kuhinje u Tuzli 2023“ dana 2.9.2023. godine, na Trgu slobode. Kad je hrana postavljena na stolove, počela je manifestacije tako što su građani Tuzle putem razglasa, nakon svečanog otvaranja od strane ambasadora Italije Marca Di Ruzza, pozvani da degustiraju ponudu koje su članice udruženja pripremile. Tokom manifestacije, RTV kuće su pratile dešavanja i izvještavali o događaju.
- Promovisana knjiga „30 godina udruženja Italijana u Tuzli“ u Centru za kulturu Tuzla - Dom književnosti. Autor knjige je Tihomir Knežiček, a promotori su Kadrija Hodžić i Enver Mandžić. Predgovore za knjigu pisali su Marco Di Ruzza ambasador Italije u BiH i Kadrija Hodžić. Publikacija je štampana u boji, tvrdi povež, izdavač je Centar za kulturu Tuzla, a donatori su Grad Tuzla i Trentini nel mondo. Promociji su prisustvovali članovi udruženja Italijana, gosti i medijske kuće.
- Obilježeno 30 godina rada udruženja Italijana u Tuzli svečanom manifestacijom u Ateljeu Ismet Mujezinović 3.6.2023. Godišnjicu su obilježili pozdravi gostiju (među kojima gradonačelnik Tuzle, Ministar za ljudska prava i izbjeglice BiH, ministri u vladi TK i gosti iz Italije), pjevačka grupa i podjela zahvalnica. Ujedno je obilježen Dan Republike Italije. Dolazak gostiju iz Italije iskorišten je održavanje sastanaka sa gradonačelnicima Tuzle i Lukavca i ministrima u Vladi Tuzlanskog kantona.

- Udruženje je organizovalo jednomjesečnu izložbu 30 skulptura italijanskog umjetnika Leonarda Lebeničnik pod nazivom „Forme scultoree“ u Ateljeu Ismeta Mujezinovića (u okviru obilježavanja 30 godina rada udruženja Italijana u Tuzli). Izložba predstavlja primjer očuvanja tradicijskih vrijednosti Tuzlaka koji žive u Trentu, u Italiji. O izložbi je govorio italijanski ambasador i umjetnik Leonardo Lebeničnik koji je ujedno i promovisao katalog izložbe, a čije publikovanje je podržalo Udruženje Rino Zandonai Tuzla.
- Članovi udruženja, ambasada Italije u BiH i oružane snage BiH učestvovali na obilježavanju 31. godišnjice pogibije 4 italijanska pilota na planini Zec koji su stradali (oboreni raketom) dopremajući humanitarnu pomoć Sarajevu 3. septembra 1992. godine transportnim avionom G-222.
- Seminar "Između migracija i jednakih mogućnosti: rad na evropskoj teritoriji" održan je u hotelu Monte Bondone, Trento, od 13. do 15. oktobra 2023. godine. EZA seminar je okupio oko 40 učesnika iz svih krajeva Europe, a najviše sa prostora Bosne i Hercegovine. Na seminaru je bilo 3 učesnika iz Tuzle i 7 iz Banje Luke, članovi udruženja Italijana.
- Četveročlana delegacija tuzlanskog udruženja, za vrijeme učešća na EZA seminaru imala je sastanak sa načelnikom Roncegna Mirkom Montibellerom. Načelnik Montibeller je boravio u Tuzli u vrijeme obilježavanja 30 godina djelovanja udruženja, i tom prilikom je iskazao želju za uspostavom saradnje Roncegna i Tuzla, a u cilju razmjene turističkih potencijala dvije regije. Sastanak je upriličio Edvard Cucek, a nakon sastanka načelnik je pokazao znamenitosti Roncegna poznatom po lječilištu i termalnim vodama.
- Udruženje je aktivno djelovalo na rješavanju trajnog smještaja prostorija udruženja i Italijanske biblioteke „Salinas“. Udruženje je učestvovalo u kampanji ostvarivanja prava udruženja nacionalnih manjina u Gradu Tuzla u okviru koje je održano 5 sastanaka tuzlanskih udruženja nacionalnih manjina i upućena tri dokumenta prema Gradskom Vijeću. Ima stalnu saradnju sa udruženjima nacionalnih manjina, permanentno radi na održavanju WEB stranice udruženja, realizuje program Fonda solidarnosti za članove udruženja u socijalnoj potrebi koji finansira Provincija Trento, pomaže porodicama članova prilikom sahrana članova udruženja, izvršava zakonom predviđene obaveze poreske politike i finansijskog izvještavanja,

### **FINANSIJSKI IZVJEŠTAJ za 2023. godinu**

Udruženje je uredno prijavilo godišnji obračun za 2023. godinu kod nadležne Porezne uprave Tuzla. Bilans uspjeha pokazuje rezultat primitka sredstava u iznosu od 25.267,00 KM. Bilans stanja pokazuje iznos sredstava koji je ostao na raspolaganju 31.12.2022. godine: a to je 2.897,00 KM.

Kao i svake godine, izvori sredstava su projektni fondovi od domaćih i inostranih donatora.

- Grad Lukavac dodijelio grant u iznosu od 2.973,74 KM dodijeljen je za realizaciju projekta „Dani italijanske kulture u Lukavcu 2023“.
- Turistička zajednica Grada Tuzla dodijelila grant u iznosu 900,00 KM za realizaciju manifestacije „Dan italijanske kuhinje u Tuzli 2023“.
- Grada Tuzla dodijelio grant u iznosu od 1.500 KM za realizaciju projekta „Čitamo italijanske književnike“.

- Grada Tuzla dodijelio grant u iznosu od 1.500 KM za realizaciju manifestacije „Dan italijanske kuhinje u Tuzli 2023“.
- Grada Tuzla dodijelio grant u iznosu od 7.000 KM za realizaciju projekta „30 godina sa tuzlanskim Italijanima“.
- EU uplatio preostali iznos (refundacija) od 40% za projekat „Klizna vrata“ u iznosu od 7.330,21 KM.
- Trentini nel mondo je finansijski podržao obilježavanje 30 godina djelovanja udruženja Italijana u Tuzli sa 1000 EUR.
- Prihod od članarine iznosi 50 KM. Uplate su vršene i gotovinski, nije preuzeto od članice koja je prikupljala članarinu.

Sredstva socijalne pomoći se ne realizuju preko računa Udruženja nego se isplate vrše direktno na račune korisnika. Udruženje nema poreskih dugovanja.